



Inatsisartuni ilaasortaq
Michael Rosing
Demokraatit

Angallammik attartortittakkamik angallassinermut pikkorissarnermut tapiiffigineqarsinnaaneq pillugu § 37 naapertorlugu apeqquteqaatinut akissutit

Asasara Michael Rosing,

Naalakkersuisut sinnerlugit qujassutigaakka apeqqutitit angallammik attartortittakkamik angallassinermut pikkorissarnissamut tapiiffigineqarsinnaaneq pillugu, uani ataani apeqqutitit akissuteqarfigissavakka:

- 1. Suna tungaviusumik isumiortaasiuva, periarfissaatinneqarmat Danmarkimi nunaniluunniit allani piffissaq sivisooq atorlugu ilinniagartuunngorniarsinnaaneq sutigut tamatigut akiliunneqarluni, angalanermut, ilinniarnermut akitsuummumut aamma ilinniagaqarnermut. Kisiannili malittarisassat 12 Pax naapertorlugit nunatta imartaani angallammik attartortittakkamik angalanaraanni taava pikkorissarneq piginnaanngortitsisussa q nammineq akilertariaqartarpoq?**

(Naqqiut: Oqaaseq "isumiortaasiuva" Naalakkersuisut imatut paasivaat: "isumaliortaasiua").

Akissut: Apeqqutigisat akissuteqarfiginiarlugu tapiissuteqartarnermilu periarfissat sanilliullugit assersuutigisatit ilinniagartuutut sivisuumik Danmarkimi ilinniagaqartarnermi pisariaqarsimavoq aallarniutigalugu aalajangiutissallugit malittarisassat oqaluuserisami tungaviusut.

Tamatumunnga atatillugu Naalakkersuisut innersuutissavaat § 6-i ilinniagaqarnermut eqartarneq pillugu Inatsisartut inatsisaanni nr. 12, 22. november 2011-imeersoq. Tassani ersippoq ilinniagaqarnermut eqartitsisoqarsinnaasoq ilinniartunut ilinniagartuunngorniarnissamut piareersaataasumik ilinniarnertuutut ilinniagaqartunut, inuussutissarsiutinut tungaviusumik ilinniagaqartumut imaluunniit ingerlaqqiffiusumik ilinniagaqartumut, ilinniagaq pineqartoq tapiiffigineqarsinnaasutut akuerisaappat. Inatsisartut tamatumunnga atatillugu inatsimmi namminermit oqaasertaasut ilassusersimavaat inatsimmut oqaaseqaatini nalunaarlugu taaguummi "ilinniakkat" paasineqassasut aaqquissuussamik ilinniagaqarneq, naatsorsuutigineqartoq ingerlanneqartussatut nunap nammineq ilinniarfiini, ilisimatusarfinni, ilinniarfinni assigisaanniluunniit ingerlatsivinni, nalinginnaasumillu naammassillugit naggaserneqartartut soraarummeernermit, soorluttaaq ilinniagaqartoq piginnaasassanik tunineqarsimassoq. Ilanngullugulu oqaaseqaatini ersippoq illuatungaani inernilunneqarsinnaasoq ilinniagaqarnermut eqartitsisoqartanngitsoq assersuutigalugu ilinniagqinnermut ingerlaqqiffiusumillu ilinniagaqarnermut, nalinginnaasumik

12-06-2017
Sagsnr – 2017 - 1991
Dok. nr. 4294484
Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanaoq.gl
www.nanaoq.gl

ilinniagaqareernermi ingerlanneqartartunut, taamaattumillu taamatut pikkorissaqinnerit tamatigut ilinniagaqarnersiuteqartitsisarnermut malittarisassat avataanniittartut.

Ilinniagaq ilinniagarineqarsinnaasut sammiviini pingasuni ilaanermi saniatigut ilutigisaanik inatsimmi § 8 naapertorlugu tapiiffigineqarsinnaasut akuerisanut ilaassaaq, Kalaallit Nunaata avataani ilinniarneqarsinnaasut pineqartillugit. Aalajangersakkami imm. 3-mi ersippoq Naalakkersuisut pissutsinik nalileereernikkut, Danmarkimi ilinniagaasartunut atatillugu akuersissuteqarsinnaasut ilinniakkap pineqartup tapiiffigineqarsinnaanissaanik, naak Danmarkimi ilinniartitaanernut ministeeriaqarfiup ilinniagaq tapiiffigineqarsinnaasut akuerisimangikkaluaraa. Akuersissuteqarneq assersuutigalugu pisinnaavoq imm. 3 naapertorlugu ilinniagaq minnerpaamik qaammatinik 3-nik sivissuseqarpat, soorluttaaq aalajangersakkap nr. 2-ani ersittoq ilinniagaq pineqartoq ulloq naallugu ingerlattakkatut aqqissuunneqarsinnaasuussasoq. Aalajangersakkap oqaasertai oqaaseqaatinit ilassuserneqarput, tassani ersimmat ilinniakkap sivissusua ilinniakkatut paasineqarsinnaassasoq, taamalu pikkorissarnerinnaassanngitsoq, soorluttaaq aamma piumasaqaammi ulloq naallugu ilinniagaanissaanut aamma tamanna pineqartoq. Inatsisartullu tamatumunnga atatillugu inatsimmut oqaaseqaatini nalunaarsimavaat ulloq naallugu ilinniartitsineq aamma kivitsisuussasoq, soorluttaaq aamma ilinniagaqarnersiuteqarsinnaanernut tapersersuutaassanngitsoq ilinniagaqartoq sulinermigut imminut pilersorsinnaappat.

Taamaattumik pikkorissarnermut pineqartumut tapiissuteqartoqartanngilaq ilinniagaqarnersiuteqartitsinermit inatsit naapertorlugu. Tamatumunngalu aamma oqaatigineqassaaq ilinniagaq tapiiffigineqarsinnaasutulluunniit akuersissutigineqaralarpat, tamatuma pinngitsoorani assiginngilaa ilinniagaqarnersiutinik apeqqummi pineqartut itunik tapiissuteqarsinnaanera. Assersuutigalugulu nalinginnaasumik ilinniagaqarnersiutitut itunik tapiisoqarsinnaanngilaq, soorlu ilinniagaqarnissamut akitsuummik akiliinikkut, tapiiffigineqarsinnaasumik ilinniakkamik pineqartumut assingusumik peqareersimappat.

Ilinniagaqarnersiuteqarnermut malittarisassanut tunngatillugu taamaasilluni ersippoq pineqassasoq apeqqut qularnaarinissamik piginnaasanik iluamik kivitsisoqassasoq, taassumalu saniatigut aamma isiginiarneqassalluni ilinniagaqartup pikkorissarnermi peqataanerminik tunngaveqartumik allatigut imminut pilersorsinnaanissaa. Tamatumalu saniatigut imaattarpoq amerlasuutigut malittarisassat allat naapertorlugu tapiinissamut periarfissaqartartoq.

Pikkorissarnermut atatillugu tapiiffigineqarsinnaanernut periarfissat eqqarsaatigalugit taamaattumik innersuussisoqassaaq tapiissuteqarsinnaanernut inuussutissarsiutinut ilinniagaqartarnermut inatsit tunngavigalugu, tamatumani aamma inuussutissarsiutinut ilinniartitaanerminik pikkorissartitsisarnermut tapiissuteqartarnermut malittarisassanut. Tassani innersuunneqassapput Namminersornerullutik Oqartussat nalunaarutaat nr. 21, 1. juli 2008-meersoq inuussutissarsiutinut ilinniartitaanerminik pikkorissarnermut tapiissuteqartarneq pillugu, aamma Inuussutissarsiutinik ilinniartitaanerit aamma inuussutissarsiutinik ilinniartitaanerup iluani pikkorissarnerit pillugit Inatsisartut inatsisaat nr. 10, ulloq 19. maj 2010-meersoq, kingullermik allanngortinneqartoq Inatsisartut inatsisaanni nr. 6, ulloq 6. juni 2016-imi.

Tapiissuteqarnissamut periarfissat angalanermut aamma najugaqarnermut aningaasartuutitut inuussutissarsiutitut ilinniartitaanerit iluanni pikkorissarnernut tunngasuupput, sulisuusup piginnaasaanik ineriartortitsineq siunertaappat suliffeqarnermi pisariaqartitsinermit naapertuuttumik. Tapiissutit aningaasalersorneqartarput AMA-mi aningaasaliissutiniit. Inatsimmi § 61, imm. 1-imi ersippoq tapiissutit taamaallaat tunniunneqarsinnaasut angalanermut aamma najugaqarnermut aningaasartuutitut matussutissatut, inuussutissarsiutinik ilinniartitaanerit iluanni, soorluttaaq tamanna aamma inatsimmi kapitalip nammineq taaguutaani ersittoq, pikkorissarnernut tapiissutit inuussutissarsiutinik ilinniartitaanerit. Angalanermut najugaqarnermut aningaasartuutitut tapiissuteqarnerup saniatigut aamma ullormusianut tapiissuteqartoqarsinnaavoq. Pikkorissarnerit pineqartut akiinut tunngatillugu oqaatigineqassaaq inuussutissarsiutitut ilinniarfiit pingaarnertut suliaat tassaammata ilinniartitaanerit, ilinniagaqartunut saaffiginnittuusut. Pikkorissartitsisarnerillu suliffeqarnermut nammineq tunngasuupput, soorluttaaq akiusunik aalajangersaasarnerni isiginiarneqartartoq pikkorissaanissat pineqartut pilersinneqarnissaanni pisariaqartunik aningaasartuutaasartut, ilinniartitsisoqarnermut, atortussanut sakkussanullu, sillimasiinerit pisariaqaraangat il.il.

2. Naalackersuisut eqqarsaatiginerlugu tamatumap pisarnera allangortinniarlugu, ajornannginnerulersillugu akikinnerulersillugulu inatsisit malillugit pisussaaffigineqartut pikkorissarnissat, piginnaatitsilersussat takornariartitsinermit suliaqarnermi angallatinik ingerlatsisuunissamut?

Akissut: Naalackersuisut oqaatigissavaat apeqqut toqqaannartumik pikkorissarnernut Imarsiornermut Ilinniarfiup pikkorissartitsisarnernut immikkoortuata aaqjissuuttagaanut neqeroortigisagaanullu tunngasuummat, tassani immikkut faginut sammisunik pikkorissanerit amerlasuunik neqeroortoqartarmat, inuussutissarsiortut suleqatigalugit ineriartortinneqarsimasunik. Ilutigisaanik oqaatigineqassaaq Inuussutissarsiutitut ilinniarfiit ingerlatsiviummata namminersortut, Naalackersuisut nalinginnaasumik ilitersuisinnaanerisa avataanni inissisimasut. Naalackersuisulli tamatumunnga atatillugu aamma ammaffigiuannarpaat siunnersuutit inuussutissarsiutitini ilinniartitaanerit naammassisaqarsinnaassutsimik annertunerulersitsisinnaasut, tamatumani aamma pikkorissartitsisarnerit ingerlatsinerit, soorluttaaq Naalackersuisut inuussutissarsiutitut ilinniarfinni inatsisitigut killiliussaasut ataqqillugit ammaffigigaat oqaloqatigiittarneq pissutsinut soqutiginarlutit tunngatillugu, inuussutissarsiutitut ilinniartitaanerit pikkorissartitsisarnerit pitsaanerulersitsisinnaasut.

Inussiarnersumik inuulluaqqusillunga

Doris Jakobsen